

浮山縣志卷之五

城池

市集

四關

牌坊

易云設險禮載掌固莒郭之陋春秋必書城郭溝池蓋可忽乎哉獨是創建增修雖有成勞而風雨漂搖不無摧毀今者遠慮綢繆仡仡金湯矣後之君子幸無忘斯意志城池

縣治舊在郭城

即今故縣

五代唐同光中徙置於此周圍四里

一百二十步高一丈五尺池深一丈

府志作四里一百五十步高二丈五

浮山縣志

卷之五

城池

尺池深一丈五尺

南臨深塹數百尺蓋天險也堪輿家僉謂為

鶴形門四

明景泰間知縣衛靖增修東曰朝陽南曰

阜民西曰大有北曰平甯各建城樓 正德八年知縣

徐環重修 嘉靖二十三年知縣毛述古重建城門按

南門舊在大什字街與北門正對即今觀音廟處其橋

為山水所圯修築維艱

國朝康熙十八年知縣潘廷侯移建於舊門之東約百步門外築橋邑民便之名曰潘公橋有碑記三十四年地

大震城垣傾圮西南隅幾成溝壑五十六年邑宦張奎
張天經張大綸等首倡捐資重修完固西門舊係直出
知縣陸張烈善風水每云此門若曲大利居民且發科
甲因改向西北建魁星樓於其上改西門額曰凝秀南
曰文明北曰拱極東門仍舊是科丁酉席豐張大統果
登賢書而居民從此繁庶漸有起色雍正九年邑宦張
奎張大統張嗣昌張鸞舉等捐資創建四門城樓復增
扁額東曰堯山毓秀南曰文明氣象西曰爽氣西來北

浮山縣志

卷之五

城池

二

曰雲山北向署事知縣錢標記

市集

城內

舊集四門按季輪轉雍正年間總滙於縣治東西
兩街每月以三六九日為期一集在東張鎮

四關

東關

附城平夷人烟稠密為城護衛

西關

居民散處密屋各半設有客店商賈寓宿於此

南關

在昔附城閭閻輻輳崇正間流寇滋擾民不甯居
兼以康熙三十四年地震房屋盡傾僅存瓦礫遺
址其近南河一帶坡坡
上下傍崖穴居仍舊

北關 在廣濟橋北地勢卑下人民依崖為屋

牌坊

三世科名坊 在小什字西 明洪武甲子科舉人張廉
建文壬午科舉人張昭 景泰庚午科

亞元張
禮建

舉人坊 在西左村 明永樂庚子科舉人衛鏞建

解元坊 明宣德丙午科解元王牧建今廢

亞元坊 明景泰庚午科亞元張禮建地震塌毀

舉人坊 在東陳村 明景泰癸酉科舉人李敏建

浮山縣志

卷之五

城池

三

進士坊 在縣治西 明成化壬辰進士陳孜建

御史坊 一在文廟西 明貴州左布政陳孜建 一在
大什字都察院陝西道監察御史張嗣榮建

中大夫坊 在小什
字東

覃恩誥封中憲大夫鄱縣知縣
候補主事同知張堽建

鵬程振羽坊 在大什字南康熙丁酉科舉人張大統建

桂殿分香坊 在小什字東雍正壬子科舉人張景瀨建

孝子坊 一在北門內旌表孝子侯讓坊今廢 一在文
廟西旌表孝子侯傳坊俱奉

貞節坊 一在大什字東 張大績妻崔氏坊 一在大什
 字西 張嗣茂妻 許氏坊 一在小什字北 高景
 妻張氏坊 一在血頭倉 侯秉學妻高氏坊 一在
 北門內 侯傳妻張氏坊 一在南王村 齊頡妻張氏
 坊 一在縣治南 張皇猷妻霍氏坊 一在中村 柏
 長壽妻張氏坊 俱奉
 旨建

浮山縣志

卷之五 城池